



29. marts 2011

Inatsisartut suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

**Naalackersuisunut Apeqqu:**

1. **Illut sulliviit atortorissaarutaat atortiinnarlugit, inersuarnik pilersitsiviusinnaaner at allillugit Naalackersuisunit qanoq isumaqarfigineqarpa?**

(Inatsisartuni ilaasorta, Ruth Heilmann Siumut)

**Tunngavilersuut:**

Tassuunakkut anguneqarsinnaammat nunaqarfinni kulturikkut suliniutaasunut atorneqarsinnaaner at soorlu eqaarsaartarfittut, katerisimaartarfittut, filmertarfittut, qitittarfittut, meeqqanut, inuusut-tunut, ilaqutariinnut utoqqarnullu ornitassanngorlugit sammisaqartitsivittut allatigullu taamatut iliornikkut aaqqissuussiffigineqarsinnaagamik.

Nunaqarfiit sinerissamiittut nunaqarfimmiunut iluaqutaasunik illu sulliveqartitserput soorlu eqqiluisaarneq angujumallugu uffarfinnik pilersitsiviusimasunik soorluttaaq errorsivinnik innaalla-gissamoortunik ilaatigut panersiivittalinnik aamma periarfissaqartitsisoqartoq.

Illut sulliviit ilaat mersortarfeqartitserput ilaasalu ammerinermik ingerlatsiviusarnerat aamma ilisi-mavarput. Initaqarput aamma anginngikkaluani ataatsemiiffiusinnaasunik.

Taamaattumik illu sulliviit eqaatsorujussuarmik aaqqissugaapput.

Isumaqarpungali illut sulliviit ullumikkornit suli eqaannerusumik atorluarneqarsinnaaner at eqqar-saatersuuteqarfigineqartariaqartoq.

Inatsisartutut nunaqarfinnut angalasarnitsinni aamma katersortarfiit alakkartertarpavut, takusarlugillu ilaat nutaanngingaaramik iluarsartuunnissaannut nutaaliornissamulluunnit akissaqartinne-qannginnamik ilaatigut aserfallakkiartuinnarlutik atorluarneqarunnaavissimasunik.

Isumaqarpungalu nutaaliornermik akikinnerullunilu imminut akilersinnaanerpaasinnaasoq, illut sulliviit initaat allilerneqarpata sorpassuarnut atuussinnaasunngortillugit (kulturhus).